

明史考證攷逸

五

明史紀事本末

明史攷證攬逸卷十八

長洲王頌蔚編集

列傳第九十三

朱紱傳

製壙志作絕命詞

絕改  
俟

按紱自撰壙志內有俟命詞此作絕誤

張經傳

入城大掠賊復陷崇德

賊字移入  
字之上

胡宗憲傳

會御史汪汝正籍羅龍文家上宗憲手書

按識大錄時嚴世蕃羅龍文以謀叛論斬籍何東序

謝廷傑因構與宗憲仇者謂其侵匿龍文財產因而  
逮繫與史所載宗憲下獄事互異

曹邦輔傳

謫戍朔州

按獻徵錄邦輔謫戍朔州時吳人感其功德爲生祠  
祀之

李遂傳

忤尙書夏言因事劾之下詔獄

按識大錄始言善遂旣數見遂據經辨諍因銜之給  
事中曾抃適以駁論忤言言謂遂與抃善意遂主之  
未有以發也後劾遂無故不參公座因指其平日會

友講學結朋黨變亂是非故下詔獄

卒贈太子太保

按獻徵錄識大錄贈太子少保與此互異

唐順之傳

淮揚適大飢條上海防善後九事

接名臣實錄順之以淮揚重地值歲歉請於朝得餘鹽銀二萬兩以振又自捐俸金令有司以次捐俸易米散各鎮爲粥以食飢民所載九事甚詳約千餘言

列傳第九十四

馬錄傳

章下都察院



明史紀事本末  
按章下都察院時尙書席書助郭勛爲李福達地誣  
事杜鸞劾書及勛請將二人先正國法徐命多官議  
福達罪不報見明史紀事本末

會給事中王科鄭一鵬程輅常泰劉琦鄭自璧趙廷瑞  
沈漢秦祐張遶陳皋謨御史程啟充盧瓊邵幽高世魁  
任漳南京御史姚鳴鳳潘壯戚雄王獻評事杜鸞刑部  
郎中劉仕主事唐樞交章劾勛

按給事常泰徐溝人方馬錄按山西時三司會鞫錄  
咨於常泰泰爲言張寅卽係福達灼然不疑至是泰  
又疏論之見明史紀事本末

遂搜錄篋得大學士賈詠都御史張仲賢工部侍郎閔

楷御史張英及寺丞淵私書

按張英先爲山西巡按時福達事發布政使李璋等  
以獄上英已如訊會任滿代還錄往治其事見明史  
紀事本末

率同連名

同改衆

按明實錄作率衆

謫戍邊衛者七人琦達泰瓊啟充仕及知州胡偉

按胡偉爲代州知州方辭良發李福達事偉訊鞫具  
獄以上故併罪之見明史紀事本末

馬錄附傳

出爲湖廣僉事

按沐由僉事遷福建副使入覲時楊一清應詔薦天下諸司才堪公輔者十六人以沐爲首見獻徵錄

劉琦字廷珍洛陽人

按琦爲陝西延安府洛川人故得知福達逃洛川事呂柟靜野集及題名錄並作洛川此誤

琦疏陳顛末

按琦嘗因災異陳親賢去佞仁民恤軍選將信賞明罰七事且請倚大臣爲腹心任言路爲耳目見明實錄

盧瓊字獻卿

按瓊於世宗卽位時疏請盡撤天下鎮守中官並爭



興獻王皇號見嘉隆奏議及明實錄

遂并漢收繫除其名

刪漢字其字

天啟初贈少卿

贈下加光祿二字

按璟降行人司正後遷光祿丞天啟初贈光祿少卿傳刪遷光祿丞事則所贈少卿無所指實

授藍田知縣

按王科令藍田時有近境土賊馬隆輩三百餘人謀攻藍田科設方略防守據阨隘給械甲請兵剿捕遂不敢犯而退見郭樸所撰科傳

程啟充傳

清寧宮小房火

按本紀作清寧宮後殿火五行志作清寧宮後三小宮災並與此互異

張遼傳

嘉靖元年授刑科給事中

按嘉靖初給事史道坐訐楊廷和下獄尙書彭澤詆道橫議遼言道以諫官言事本許直陳可也至欲倒持政柄而去內閣之權澤以議論大臣當存體統可也至欲因噎廢食而箝言官之口且今日大臣未嘗面對而論者以爲太重言官罕承俞旨而說者以爲橫行因一事之失而傷莫大之體此有識所謂竊歎也見嘉隆奏議

蔣綸市寵

按喬宇傳作蔣輪

頌蔚按錢薇傳亦作輪

鄭一鵬傳

督師討大同叛卒

按大同卒殺巡撫張文錦首倡者爲郭鑑時廷議擢桂勇爲總兵按察使蔡天祐爲巡撫朱振故以總兵官逮繫在獄郭鑑等出之脅合主兵振要以勿犯宗室勿掠倉庫勿縱火殺人衆遂稍戢桂勇因定計禽鑑斬之鑑父又糾徐氈兒等倡亂報復先後亦就誅天祐等因以書止胡瓚見明史紀事本末

唐樞傳

至所言張寅之卽福達實有明據

按福達初為其仇辭良所首獄上時山西巡撫畢昭以福達果屬張寅並非李午為仇家所誣盡反其獄坐良誣告獄未竟而昭乞養去李珏時為山西按察蓋承畢昭指也會馬錄出按窮治其事洊成大獄見明史紀事本末頌蔚按陸燾傳既據獻徵錄及貞山文集改張福達為張福此亦應一律

改正

又留心經世略九邊及越蜀滇黔險阻隄塞無不親歷按樞於嘉靖三十四年嘗與鄒守益羅洪先等並舉邊才尋報罷見明實錄

葉應驄傳



立罷旦擢紀代之

按喬字被劾致仕卽起楊旦爲吏部尙書旦赴召時於途中馳疏劾璫募陳洸遂承璫募指劾旦改擢廖紀旦固未履尙書任也見明實錄

陸燾傳

尋偕御史郝元洪清覈馬房錢穀

按燾陳馬政十事曰稽實數省虛費免會派減旗軍處牛羊嚴買補革冗員禁饋遺謹防範立公署見燾所著貞山文集

爭張福達獄

達改之

按熊浹傳作張福無達字獻徵錄及燾文集並同



南京禮部尙書黃綰尙書改侍郎

按本紀綰以嘉靖十八年起爲南京禮部尙書綰本傳七年爲南京禮部侍郎祭上疏時綰正爲侍郎祭文集疏稿下作侍郎此誤作尙書

邵經邦傳

授工部主事

按嘉靖二年詔工部爲陳皇后父泰和伯陳萬言治第其費當白金六十萬經邦力諫不宜寵待外戚太過由是直聲大起以憂歸復補刑部見汪琬鈍翁類藁

惟經邦與豐熙等八人不在赦例

按八人爲豐熙楊慎王元正馬錄呂經馮恩劉濟邵  
經邦見明實錄

劉世揚傳

歷吏科左給事中

按世揚爲給事時與同官劾罷兵部尙書李時中見  
明實錄

世揚等乃盡劾璫萼黨尙書王瓊而下數十人

按世揚等所劾言總督尙書王瓊諭德彭澤中允孫  
承恩大理寺丞葉忠御史儲良才五臣宜斥順天府  
尹黎奭中允廖道南編修金璐僉都御史李如圭大  
理少卿曾直南京太常卿方鵬六臣宜黜調刑部郎

中劉汝輓工部郎中丁洪員外郎金述吏部郎中胡  
森主事王激禮部員外郎張敬御史敖鉞司業江汝  
璧待詔葉幼學刑部員外郎張寰太僕丞姚奎編修  
張袞給事魏良弼御史陸夢麟戶部員外郎郭憲十  
五臣宜參酌去留見明實錄

但去編修金璐御史敖鉞敖改敖鉞下增  
儲良才三字

待詔葉幼學儲良才刪儲良  
才三字

按儲良才官御史此列待詔誤

中言大學士石瑤貞介瑤改瑤  
下同

按宰輔表及石瑤傳並作瑤

劉世揚附傳

尙書林俊以執奏獄囚李鳳陽被旨詰責

按李鳳陽爲中官崔文家人因事下刑部獄文取中旨移入鎮撫司俊留不遣俊傳作陽鳳與此異

魏良弼傳

劾罷提督五軍營保定侯梁永福

侯改伯

按梁銘封保定伯子瑤進封侯仍予世襲伯爵永福爲瑤孫本襲伯爵見功臣世表此譌伯爲侯

孚敬奏良弼挾私

按良弼於十一年四月巡視京營薦舉襄城伯李全禮等署都督僉事牛桓等指揮僉事王定等十五員發閣擬票閣臣謂其濫保罰俸兩月至八月良弼因